



## > Í kvöld kl. 22

Höfundaforlagið Nýhil stendur fyrir opnum hljóðnema (open mic), ljóðakvöldi, á barnum Bakkus sem stendur við Tryggvagötuna þar sem Gaukur á Stöng með sitt bjórlíki var áður til húsa. Vonandi verður þó ekkert ljóðlíki í boði. Þetta er fjórða ljóðakvöldið í röðinni og vandræðalegheita-stemmingin hefur ítrekað vikið fyrir sannri raust ófor-skammaðra ljóðmælanda. Hljóðneminn er öllum opin og enginn er aðgangseyririnn.

# menning

menning@frettabladid.is

## Afmælisblástur

Hinn 31. janúar sl. voru liðin 60 ár frá stofnun Lúðrasveitar Hafnarfjarðar. Af því tilefni verða haldnir afmælistónleikar í dag í Íþróttahúsinu við Strandgötu í Hafnarfirði. Haft var samband við flesta sem starfað hafa með lúðrasveitinni á liðnum árum og þeim boðið að taka þátt í þessum tónleikum. Viðbrögð voru góð og hafa milli 50 og 60 manns æft stíft að undanförunu. Afrakstursins fá tónleikagestir að njóta á þessum tónleikum.

Efnisskráin er fjölbreytt og spannar sögu sveitarinnar. Göngulög verða áberandi, ættjarðarlög og skemmtimúsík verða leikin í bland. Stjórnendur á tónleikumunum eru þeir Stefán Ómar Jakobsson og Hans Ploder. Tónleikarnir hefjast kl. 16 og það er ókeypis aðgangur.



SEXTUGSAFMÆLI Hér er mynd af æfingu á 6. áratugnum. Albert Klahn stjórnar af röggsemi.

## > Ekki missa af

Curver Thoroddsen listamaður fjallar um eigin verk í hádegisfyrirlestri Opna Listaháskólans í húsnæði myndlistardeildar Listaháskóla Íslands, Laugavegi 91, stofu 024, nú á mánudaginn 8. febrúar kl. 12.30. Á undan fyrirlesturinn framkvæmir Curver hálf tíma langan nektargjöfning (sem hefst þá klukkan 12.00).

Gallerí Fold · þekkt fyrir trausta þjónustu

## Listmunauppboð í Galleríi Fold

fer fram mánudaginn 8. febrúar, kl. 18.15 í Galleríi Fold, á Rauðarárstíg

Á uppboðinu er úrval góðra verka, meðal annars fjölmörg verk gömlu meistaranna



Jóhannes S. Kjarval

Verkin verða sýnd: í dag laugardag 11-17, sunnudag 12-17 og mánudag 10-17

Hægt er að skoða uppboðsskrána á myndlist.is

Rauðarárstígur 14 · sími 551 0400 · www.myndlist.is

LISTMUNASALA  
fold

## Sex á Havaríi

Enn heldur fjórleg myndlistarstarfssemin áfram í Havaríi í Austurstrætunni. Í dag opnar sýning sex ungra kyndilbera íslensku myndlistarsenunnar.

Sexmenningarnir eiga það nær allir sameiginlegt að hafa látið til sín taka á öðrum sviðum listarinnar. Það er eiginlega bara Davíð Örn Halldórsson, sem hefur einbeitt sér að myndlistinni. Hans stóru litríku málverk hafa slegið í gegn að undanförunu. Nú má einnig sjá verk eftir hann á sýningunni Ljósítlífur í Hafnarhúsinu. Þetta er í annað sinn sem hann sýnir í Havaríi.

Elín Hansdóttir er sístækkandi nafn í hinum alþjóðlega listaheimi. Innsetningar hennar vekja athygli hvert sem þær fara. Eflaust kannast margir við við Elínu úr kvikmynd Dags Kára Sigurðssonar; Nóa albínó, en þar lék hún sjoppustelpuna Írisi.

Kvikmyndatengsl má einnig finna í Bjarna Massa. Hann er einn af meðlimum kvikmynda-grúppunnar Lortur. Massinn er þekktur fyrir ást sína á landsbyggðinni og nú er það Flateyri sem kallar. Fannst Massanum viðeigandi að henda upp nokkrum verkum til að minna á sig áður en hann lætur sig hverfa vestur í nokkra mánuði. Pétur Már Gunnarson er einn af heilunum á bakvið DVD tímaritið Rafskinnu.



Í HAVARÍ Verk eftir Elínu Hansdóttur.

Hann sýnir skulptúra og myndir.

Þá eru það poppararnir. Egill Sæbjörnsson átti stórleik á síðasta ári. Gaf út plötu og hélt stóra einkasýningu í Listasafni Reykjavíkur. Þá kom út bók um verkin hans og RÚV sýndi heimildarmynd um hann í desember. Hann sýnir fótósjoppaðar ljósmyndir af sjálfum sér á baðströndum. Örvar Þóreyjarsón Smárason er öllu þekktari fyrir framlag sitt til íslenskrar dægurtónlistar, enda í múm og FM Belfast. Teikningar eftir Örvar hafa birst í bókum, á plötuumslögum og á sýningum víða um heim. Og nú sýnir hann í Havaríi.

- drg

## Fíflarnir koma upp

Tvær sýningaropnanir verða í Listasafni ASÍ kl. 15 í dag. Önnur þeirra er sýning Guðrúnar Gunnarsdóttur, sem horfir á fífla frá ýmsum sjónarhornum.

„Ég er að vinna út frá fíflum og þessu orðatiltæki að muna sinn fífil fegri,“ segir Guðrún. „Öll hugmyndafræðin í sýningunni er út frá þeirri setningu. Ég er að hugsa um íslensku þjóðina. Það er táknað í þessu. Það er engin tilviljun að fífill verður stundum að fífli. Ég er samt ekki að vinna út frá neinni pólitík.“

Guðrún vinnur með ýms efni; plast, vír, útsaum og klippir út úr landakortum. Henni finnst fífillinn vera vanmetinn. „Hann er fyrsta sumarblómið sem stingur upp kollinum og við gerum varla annað en að tæta hann upp. Og þjóðin má svo sannarlega muna sinn fífil fegri. En fíflarnir koma samt alltaf stoltir upp á hverju vori sama



ÖLL Í FÍFLUNUM Guðrún Gunnarsdóttir. MYND/GUÐMUNDUR INGÓLFSSON

hvað gengur á og þannig sé ég fyrir mér að þjóðin muni risa upp. Það getur nú ekki annað verið.“

Hin sýningin sem opnar í Listasafni ASÍ er sýning Guðmundar Ingólfssonar. En hann sýnir ljósmyndaröð af rýmum. Þá sýningu kallar hann Heimild um horfinn tíma.

- drg

MÁLÞINGIÐ VERÐUR SENT BEINT ÚT Á NETINU

SAFT

HUGSAÐU  
ÁÐUR EN ÞÚ  
SENDIR

Alþjóðlegi netöryggisdagurinn 2010 verður haldinn **9. febrúar** næstkomandi undir yfirskriftinni „Hugsaðu áður en þú sendir“.

Í tilefni dagsins stendur SAFT fyrir opnu málþingi í Skriðu, aðalbyggingu Menntavísindasviðs Háskóla Íslands v/Stakkahlíð, **kl 14.30-16.30**.

Nánari upplýsingar er að finna á heimasíðu SAFT ([www.saft.is](http://www.saft.is))

Á málþinginu verður m.a. fjallað um netið og:

- vinasöfnun á félagsnetsíðum
- myndbirtingar
- rafræn tengsl og persónusköpun ungs fólks
- friðhelgi og persónuvernd
- lögreglurannsókn mála
- veitt verða verðlaun í nemendasamkeppni um gerð jafningjafræðsluefnis um jákvæða og örugga netnotkun



Microsoft



## Ársfundur Hins íslenska biblíufélags 7. febrúar kl. 12:30 í safnaðarheimili Seltjarnarneskirkju

Dagskrá

1. Ársreikningur 2009
2. Skýrsla stjórnar og stefnulýsing
3. Tillögur að lagabreytingum
4. Kjör í stjórn
5. Önnur mál

